

Scoula ramassa raps per sanaziuns urgiaintas

Proget da Crowdfunding per la scoula da muntogna Avrona

La scoula da muntogna

Avrona planisescha üna sanaziun totala. Mayk Wendt, il manader, quinta sur dals plans e co ch'el voul ramassar raps per far quai.


SELINA BISAZ

Daspö il 2012 vegnan fatta diversas sanaziuns vi da la scoula da muntogna Avrona a Tarasp. Uossa ston tscherts elemants dals edifizis gnir sanats urgiaintamaing. La scoula dad Avrona es üna scoula speciale e funcziuna tenor la filosofia Rudolf Steiner. Eir pels giuvenils tilla chi visitesch an sto la scoula funcziunar bain. Ma las temperaturas illas chombras nu d'eiran agreeblas. Tenor Mayk Wendt, manader da la scoula insesbel cun David Brodbeck, d'eira perquai cler ch'els nu pudaivan spettar süls raps per far las sanaziuns urgiaintas. «Il tet crodaiva ourdgioter», declara Wendt a regard il prüm edifizi. Perquai han ils manaders da la scoula tut sü ün credit sainza fit e sun uossa dependents da donaziuns e contribuziuns da sustegn.

Stabilimaints dals 1950 e 1960

«Ils stabilimaints sun gnüts fabricats dals ons 1950 e 1960, quai d'eira üna lavur da pionier», quinta Wendt. «L'isolaziun nun es però gnüda fatta professionalmaing, causa chi mancavano ils mezs», declara'l. «Daspö là nun es plü gnü fat nüglia a regard la tecnica dad energia.» Concret stopchan gnir fats l'isolaziun termica dadoura, las fanestras ed il tet. «Quai impüstütt eir per spargnar energia», disch Wendt. «Greenpeace Svizra vaiva fat masürazius e vis quant'energia chi svanischia our dal tet.» Il prüm da trais stabilimaints es sanà. Il proget da sanaziun da la chasa da scoula, chi'd es previssa per prümavaira dal 2018, es actualmaing publichà. Proprietari dals stabilimaints es la fundaziun da la «Bergschule Avrona» cun Sandra Eicher sco presidenta.

«Ils cuosts totals per las sanaziuns s'amuntan a raduond tschinch milions francs», infuomescha Wendt.



La scoula da muntogna Avrona exista da plüssas chasas. Üna part es fingiä gnüda sanada, la prosma sanaziun dess seguir dal 2018.

fotografia: Mayk Wendt

Da quai finanziescha il chantun Grischun 1,9 milions. La part chi va a charg da la scoula da muntogna sto gnir finanziada cun raps da donaziuns. «Perquai es Avrona landervia a ramassar intensivamaing raps da donaziuns e da far fundraising.» Il internet tscherchan ils responsabels glieud chi fa donaziuns. «Nus lain far la sanaziun cun tuot ils mezs pussibels.» La lezcha dals manaders, Mayk Wendt e David Brodbeck, sun controlala da finanzas e la concepziun dals edifizis insesbel culs architects. Els decidan davart ils materials. «Uschè vegnan resguardats eir aspets pedagogics», declara Wendt. Ad el es important ch'els hajan eir ün pled in

chapitel. Eir las decisius strategicas tiran Wendt e Brodbeck.

Tenor Wendt saja fingiä daspö löncch cuntschaint chi's stopcha far sanaziuns vi da la scoula dad Avrona, ma fin uossa nu sun quellas gnüdas fattas causa differents motivs. Plüssas voutas s'haja provà. Tenor Wendt hanjan ils progets fat naufragi pro'l Chantun. «Ün punct es sgüra stat la dimensiun», manaja il pedagog. Ils ons 90 han ils responsabels inoltrà ün proget per plüs milions francs. «Uossa eschan plü modests e lain far las sanaziuns independentamaing dal Chantun», declara'l. Per l'inter proget vöglian els survgnir ün pa daplü co duos milions francs.

Fin uossa pudaivan gnir sanats a regard la tecnica dad energia duos chasas d'abitar pels scolars sco eir l'edifizi culla sala da festa ed ils stabilimaints tecnicis. Pro quels edifizis es stata Annabelle Breitenbach da Champfèr l'architecta. Pro l'ultim edifizi, la chasa da scoula, chi vain fatta dal 2018, ha ella intant be fat la planisazion ouravant.

Set eivnas per sanar

«Ill'ultima chasa, il Waldhaus, vaina fabrichà infra set eivnas nouvas duchas», quinta Annabelle Breitenbach. Perquai calculescha ella eir cun tant temp per las prosmas sanaziuns. «Quellas ston gnir fattas dürant il temp da vananzas o cur cha'l scolars sun in ün

chomp.» Intant, daspö il 2016, es Breitenbach eir illa fundaziun da la scoula Avrona. Ad ella es important da dovrà materials ecologics, co lana da laina. Per la sanaziun fingiä realisada saja gnü dovrà lain da larsch per la fassada dadoura sco eir pel üert d'inviern. L'idea da Breitenbach es da sanar l'edifizi i'listess stil. Per Wendt esa important cha manterans indigens vegnan resguardats pro las laviors. Ils manaders dad Avrona sun cuntas da mincha contribuziun.

In venderdi, ils 9 gün, a partir da las 14.00 es di das portas avertas ad Avrona. Program ed infuromaziun sün www.avrona.ch. Pagina per far donaziuns: www.spendenplattform.ch/projekte_kinder_gebaeude-gesamtsanierung-bergschule-avrona

Perdütta da la lavur da stampaduors e chastlans

Radunanza generala da la Società Stamparia Strada

L'exposiziun «Chastels e fortezzas in Engiadina» chi vain muossada i'l Museum Stamparia Strada es gnüda prolungada per ün on. In occasiun da la radunanza generala da la Società Stamparia Strada ha prelet l'autura Rut Plouda da sias ouvras.


NICOLO BASS

«L'exposiziun speciala sur dals chastels in Engiadina ha gnü grond success», ha dit Georg Häfner, president da la Società Museum Stamparia Strada, in occasiun da la radunanza generala, «perquai vaina decis da prolongar l'exposiziun per ün on.» Quist exposiziun as basa sün retscherchas dad Alfons Clalüna da Samedan e quinta l'istorgia da 25 tuors e chastels illa regiun. Üna quarantina da personas sun stadas preschaintas in sonda davomezdi a la radunanza generala da la Società Stamparia Strada. Il böt da la società es da ramassar contribuziuns per la gestiun dal museum

Stamparia Strada. La gestiun svess dal museum ed eir las investiziuns suottastan a la fundaziun dal museum. Eir l'on scuors ha la società, chi dombra raduond 310 commembra e commembra, pudü transferir raduond 9000 francs a la fundaziun. La società svess ha fat ün guadogn da raduond 1000 francs. Ils commembra preschaints han acceptà il rendaquit 2006 e dat dis-charg als responsabels. Quist on voul il museum realisar üna nouva pagina d'internet e surlavurar l'exposiziun permanenta chi'd es perdütta da la lavur dals stampaduors in Engiadina.

Perscrutazion dendrocronologica

Ün dals exponats principals dal Museum Stamparia Strada es il duplicat da la pressa a man da lain. La pressa originala es exposta i'l Museum Retic a Cuoir. Fin uossa as crajaiva cha quista pressa da lain seja gnüda dovrada a partit dal 1650 a Scuol, plü tard a Tschlin ed a Strada e cha sün quista pressa seja gnüda stampada la «Bibla da Scuol». Ils duos stampaders Stephan Burkhardt e Hans-Ulrich Frey, chi mainan la stamparia istorica Offizin Parnassia a Vättis, han perscrutà la pressa originala a Cuoir ed els sun gnüts ad üna conclu-



Georg Häfner, da la Società Stamparia Strada, ha invidà a Rut Plouda da preleger our dal cudesch «Sco scha nüglia nu füss». fotografia: Nicolo Bass

siun tuottafat nouva: ch'una retschercha dendrocronologica haja nempe demuossà, cha la pressa seja gnüda fabrichada pür dal 1850 – insomma 200

ons davo cha la Bibla da Scuol es gnüda stampada. Cha quista conclusiun seja bainschi üna surprisa, ha dit Georg Häfner, cha quai nu müda nüglia al fat,

cha'l duplat a Strada seja üna copcha da la pressa a man chi gniva dovrada quella jada in Engiadina Bassa. Cha la perscrutazion haja nempe eir muossà cha la pressa originala seja gnüda fabrichada cun lain engiadinalis.

Rut Plouda ha prelet

In seguit a la radunanza generala da la Stamparia Strada es gnü preschianta ün ulterior prodot engiadinalis: l'autura Rut Plouda da Ftan ha prelet da seis cudesch «Sco scha nüglia nu füss». Quist cudesch es cumparü l'on 2000 ed es in seguit gnü publichà in tudais-ch, frances e rumen. Per quist'ouvrà ha l'autura survgni il premi da promozion dal chantun Grischun e tanter oter eir il Premi Schiller Svizzer. D'incuort es es il cudesch «Sco scha nüglia nu füss» gnü reedi da la Chasa Editura Rumantscha. Rut Plouda ha prelet in sonda da quist'ouvrà e da seis cudesch «Flur da mandels» e finalmaing eir preschianta la lavur da la Chasa Editura Rumantscha chi ha edi infra pacs ons fingia 34 cudeschs per crescüts.

Il Museum Stamparia Strada es avert in gün, settember ed october adüna la sonda da las 15.00 a las 17.00. Dürant ils mais lügl ed avost adüna la gövgia e la sonda da las 15.00 a las 17.00.